

ADDENDA AO CONVENIO DE COLABORACIÓN ENTRE A CONSELLERÍA DO MEDIO RURAL E O INSTITUTO OURENSÁN DE DESENVOLVEMENTO ECONÓMICO (INORDE) PARA CONTINUAR COA EXECUCIÓN DE DETERMINADAS ACTIVIDADES DE CONSERVACIÓN "EX SITU" DOS RECURSOS ZOOXENÉTICOS AUTÓCTONOS DAS RAZAS OVELLA GALEGA, CABRA GALEGA E PORCO CELTA, COFINANCIADO CO FONDO EUROPEO AGRÍCOLA DE DESENVOLVEMENTO RURAL (FEADER), NO MARCO DO PLAN ESTRATÉXICO DA POLÍTICA AGRARIA COMÚN 2023_2027.

En Santiago de Compostela,

REUNIDOS

Dona María José Gómez Rodríguez, conselleira do Medio Rural, nomeada polo Decreto 44/2024, do 14 de abril, polo que se nomean os titulares das consellerías da Xunta de Galicia, actuando en nome e representación da Consellería do Medio Rural, en virtude das facultades que lle atribúe o artigo 34.1 da Lei 1/1983, do 22 de febreiro, de normas reguladoras da Xunta e da súa presidencia.

Don Rosendo Luís Fernández Fernández, actuando en nome e representación do Instituto Ourense de Desenvolvemento Económico, NIF P82000011, na súa condición de Presidente.

Cada un intervén en función do seu cargo, no exercicio das facultades que para convir en nome das entidades que representan teñen conferidas, recoñecéndose mutua e respectiva competencia e capacidade suficiente para formalizar esta addenda ao convenio de colaboración suscrito entre ambas partes o 04.09.2025.

EXPOÑEN

Primeiro.- O 04.09.2025 asinouse o convenio de colaboración entre a Consellería do Medio Rural e a Instituto Ourense de Desenvolvemento Económico (INORDE) para continuar coa execución de determinadas actividades de conservación ex situ dos recursos zooloxenéticos autóctonos das razas Ovelha Galega, Cabra Galega e Porco Celta, cofinanciado co Fondo Europeo Agrícola de Desenvolvemento Rural (FEADER), no marco do Plan Estratéxico Da Política Agraria Común 2023_2027. O convenio de colaboración foi suscrito no marco da subintervención 65052_01 do Plan Estratéxico da PAC de España, para Galicia, para o período 2023-2027.



Segundo.- Unha vez asinado o convenio, detectouse unha falta no Anexo I "Mecanismo de moderación de custos", no apartado "Persoal". A asignación do persoal de INORDE non debe ser especificada na moderación de custos, senón en función dos traballos realizados polo veterinario, os propios do coidado e mantemento dos rabaños e os correspondentes a parte administrativa e de xustificación.

Terceiro.- Por outra banda, no Anexo II "Cadro de previsión de actuacións e custos anuais", establecéronse os conceptos e tipos de traballo obxecto das actuacións do convenio.

Dentro do concepto "Outros gastos", ambas partes, no marco da execución do convenio, consideran conveniente engadir outros tipos de traballo necesarios, non tidos en conta anteriormente pero que son necesarios e están xustificadas para o desenvolvemento do seu traballo, como son gastos de electricidade, auga, material de oficina, combustible e vehículo, relacionados co mantemento das instalacións como poden ser pequenos arranxos e adquisición de pequenos materiais necesarios para o coidado dos animais.

Por todo o anterior, as partes acordan asinar a presente addenda ao convenio de colaboración descrito no expoñendo primeiro conforme ás seguintes:

CLÁUSULAS

Primeira. Modifícase a cláusula QUINTA. referida á xustificación do convenio", que queda redactada como segue:

QUINTA. Xustificación

Realizaranse unha xustificación en 2025, e catro xustificacións en 2026 e 2027, e presentación de gastos e pagamentos anuais. As datas límites para estas xustificacións serán o 1 de abril, o 1 de xullo, o 1 de outubro e 1 de decembro nos anos 2026 e 2027. No ano 2025, a data límite para a xustificación será o 1 de decembro.

Con cada xustificación o INORDE debe achegar:

1. Unha certificación do representante legal ou persoa na que teña delegada a representación da entidade, coa relación en detalle das actividades realizadas.
2. Unha certificación do representante legal ou persoa na que teña delegada a representación da entidade, na que se indique a porcentaxe de tempo que o traballador dedica ao proxecto cando se xustifiquen gastos de persoal propio.
3. Os xustificantes orixinais dos gastos e as xustificacións bancarias que acrediten o seu pago efectivo.



4. Unha memoria económica en formato dixital '.xlsx' (táboa de gastos segundo o esquema do anexo)
5. Unha memoria técnico - económica das actuacións realizadas, na que se identifique a finalidade elixible e contemplada no convenio de cada un dos gastos imputados. Neste documento acreditarase o cumprimento das obrigas de publicidade recollidas na cláusula décima. O material consecuente das actuacións será incluído ou reproducido neste documento e cando no mesmo se inclúan enlaces á web remitirase xunto coa xustificación unha copia dixital do documento.
6. Unha declaración do conxunto de todas as solicitudes efectuadas ou concedidas para o mesmo proxecto, das distintas administracións públicas competentes, ou calquera dos seus organismos, entes ou sociedades, así como doutros ingresos ou recursos que financien o proxecto.
7. Unha memoria de moderación de custos segundo os criterios establecidos na cláusula terceira. Nesta farase referencia aos orzamentos solicitados identificando as entidades consultadas, a data da oferta e importe da mesma. No caso en que a oferta elixida non sexa a mais vantaxosa economicamente, a memoria incluirá as motivacións de tal elección.
8. Certificado do cumprimento das súas obrigas tributarias coa Axencia Estatal da Administración Tributaria, coa Consellería competente en materia de Facenda da Xunta de Galicia e coa Tesouraría Xeral da Seguridade Social.

A Consellería resérvase o dereito de solicitar toda a documentación que considere precisa en relación coas actividades realizadas no marco do convenio, incluíndo a relativa ao cumprimento dos requisitos de presentación de datos á autoridade de xestión e ao rexistro de realizacións e resultados.

As actuacións descritas no presente convenio, estarán sometidas a un sistema axeitado de avaliación de custos, con independencia do importe do gasto financiable. De acordo co establecido no artigo 82 do Real Decreto 1047/2022, do 27 de decembro, no que se establecen disposicións relativas aos controis, así como no Plan Galego de Controis (Intervencións PEPAC 2023-2027 – Réxime Feader NON SIXC) os controis administrativos incluirán a comprobación por parte da unidade xestora do sistema empregado para a moderación de custos.

Os gastos deberán responder de xeito indubidable á natureza das actividades recollidas no presente convenio, incluídos os gastos de persoal e os medios loxísticos necesarios. Non se financiarán actividades no Programa marco da Comunidade Europea para accións de investigación, desenvolvemento tecnolóxico e demostración.

Os gastos ou investimentos realizados deberán acreditarse mediante a presentación dos xustificantes orixinais do gasto e as xustificacións bancarias que acrediten o seu pago efectivo. As facturas presentaranse en orixinal, e marcaranse cun selo



indicando nel a actuación para cuxa xustificación foron presentadas e se o importe do xustificante se imputa total ou parcialmente ao convenio indicando, neste último caso, a contía que resulte afectada polo mesmo.

Ademais, tendo en conta que entre as actuacións do convenio se recollen actuacións executadas con medios propios achegados por INORDE, concretamente man de obra propia remunerada, coa xustificación documental dos gastos e pago dos traballos executados cos medios propios, deben achegarse as nóminas correspondentes ao tempo dedicado por cada traballador á execución do traballo, certificando especificamente o emprego da porcentaxe de tempo que o traballador dedica ao proxecto, así como a documentación acreditativa do pago das nóminas, cargas sociais e IRPF.

Si se utilizan medios materiais propios, a persoa beneficiaria poderá imputar ao proxecto, a parte proporcional que corresponda dos custos de amortización deses equipos ou materiais durante a vixencia do convenio, custos que deben calcularse de conformidade coas normas de contabilidade, debendo achegar a documentación acreditativa do sistema de cálculo utilizado.

No caso de que os gastos varios do ANEXO II se traten de custos indirectos, deberá imputarse unicamente a parte proporcional que corresponda á execución deste programa, debendo achegar a documentación acreditativa do sistema de cálculo utilizado.

Toda a documentación incluída na xustificación presentarse tamén en formato dixital '.pdf'

Segunda. Modifícase o Anexo I "Mecanismos de moderación de custos", que queda redactado como segue:



ANEXO I MECANISMOS DE MODERACIÓN DE CUSTOS

Tal e como se establece na Cláusula Quinta, as actuacións descritas no presente convenio, estarán sometidas a un sistema axeitado de avaliación de custos:

De acordo co establecido no artigo 82 do Real Decreto 1047/2022, do 27 de decembro, polo que se regula o sistema de xestión e control das intervencións do Plan Estratéxico e outras axudas da Política Agrícola Común, os controis administrativos incluírán a comprobación por parte da unidade xestora do sistema empregado para a moderación de custos.

O control de custos avaliarase en todos os casos mediante a comparativa de tres ofertas diferentes, as cales procederán en todos os casos de provedores acreditados e independentes. As ofertas serán detalladas e incluírán os mesmos elementos para facilitar a súa comparación. Consideraranse aquelas que ofrezan a mellor relación de calidade do servizo ou material, en relación co prezo das mesmas. No caso de non escoller a proposta económica máis vantaxosa deberán xustificarse expresamente nunha memoria as motivacións desta elección.

No caso en que non existan no mercado provedores suficientes para cumprir co establecido no parágrafo anterior, esta circunstancia xustificárase expresamente na memoria de moderación de custos.

PERSOAL:

A asignación de custes, no eido de persoal, ven determinada pola dedicación que o persoal ten ás actuacións do convenio, namentres que o importe dos salarios veñen establecidos nos orzamentos anuais do INORDE.

Terceira. Modifícase o anexo II "Cadro de previsión de actuacións e custo anuais", que queda redactado como segue:



ANEXO II CADRO DE PREVISIÓN DE ACTUACIÓN E CUSTOS ANUAIS

Os importes por concepto e tipo de gasto reflectidos no cadro corresponden a cálculos estimados durante cada un dos tres anos de vixencia do convenio, que poderán ser obxecto de variacións no momento da xustificación das actuacións, en función das actividades desenvolvidas e os obxectivos acadados.

CONCEPTO		TIPO DE TRABAJO	IMPORTE 2025	ACHEGA CONSELLERÍA MEDIO RURAL	ACHEGA INORDE
PERSONAL E TAREFAS DE CONSERVACIÓN EX SITU	Persoal técnico	- Elaboración, redacción e control do programa. - Caracterización e selección de animais. - Estudos e inventariado de recursos.	20.979,00 €	10.489,50 €	10.489,50 €
	Persoal administrativo e de campo	- Tratamento de datos, xestión, organización e comunicacións, coordinación e administración. - Preparación e coidado dos animais e das instalacións.	24.381,00 €	12.190,50 €	12.190,50 €
	Outros gastos	- Gastos de manutención dos animais. - Gastos varios.	11.340,00 €	5.670,00 €	5.670,00 €
TOTAL			56.700,00 €	28.350,00 €	28.350,00 €



CONCEPTO		TIPO DE TRABAJO	IMPORTE 2026	ACHEGA CONSELLERÍA MEDIO RURAL	ACHEGA INORDE
PERSONAL E TAREFAS DE CONSERVACIÓN EX SITU	Persoal técnico	<ul style="list-style-type: none"> - Elaboración, redacción e control do programa. - Caracterización e selección de animais. - Estudos e inventariado de recursos. 	62.160,00 €	31.080,00 €	31.080,00 €
	Persoal administrativo e de campo	<ul style="list-style-type: none"> - Tratamento de datos, xestión, organización e comunicacións, coordinación e administración. - Preparación e coidado dos animais e das instalacións. 	72.240,00 €	36.120,00 €	36.120,00 €
	Outros gastos	<ul style="list-style-type: none"> - Gastos de manutención dos animais. - Gastos varios. 	33.600,00 €	16.800,00 €	16.800,00 €
TOTAL			168.000,00 €	84.000,00 €	84.000,00 €



CONCEPTO		TIPO DE TRABAJO	IMPORTE 2027	ACHEGA CONSELLERÍA MEDIO RURAL	ACHEGA INORDE
PERSONAL E TAREFAS DE CONSERVACIÓN EX SITU	Persoal técnico	- Elaboración, redacción e control do programa. - Caracterización e selección de animais. - Estudos e inventariado de recursos.	62.160,00 €	31.080,00 €	31.080,00 €
	Persoal administrativo e de campo	- Tratamento de datos, xestión, organización e comunicacións, coordinación e administración. - Preparación e coidado dos animais e das instalacións.	72.240,00 €	36.120,00 €	36.120,00 €
	Outros gastos	- Gastos de manutención dos animais. - Gastos varios	33.600,00 €	16.800,00 €	16.800,00 €
TOTAL			168.000,00 €	84.000,00 €	84.000,00 €

Cuarta. Contido non modificado do convenio.

En todo o non modificado expresamente por esta addenda, seguirá sendo de aplicación o establecido no convenio.

Quinta. Publicidade

As partes asinantes desta addenda outorgan o seu consentimento para que os datos persoais e o resto das especificacións que constan na citada addenda sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.



Esta addenda terá a mesma vixencia que o convenio de colaboración asinado.

E, en proba de conformidade, as partes asinan dixitalmente esta addenda.

Pola Consellería do Medio Rural

A conselleira do Medio Rural

María José Gómez Rodríguez

Polo INORDE

O presidente do INORDE

Rosendo Luis Fernández Fernández

